



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm XIX. Causam.

[urn:nbn:de:hbz:466:1-62587](#)

Causam.

PARAPHRASIS.

Inter Abbatem & Monachos ex vnâ parte,
& plebanum atque clericos Ecclesiæ de
Marturâ ex alterâ parte lis erat coram
judicibus à Papâ delegatis, in quâ testi
bus receptis, & factâ vtrinque renuntia
tione ac publicatis attestationibus, mo
nachi priuilegium nuperimè à Papâ im
petratum produxerunt, super hoc con
sultus Alexander III. respondit super a
liis capitulis sive articulis, super quibus
testes necdum recepti, & testificationes
publicatæ fuerunt, testes idoneos reci
piendos esse, & ita causam decidendam.
verumtamen si quæ priuilegia seu indul
ta à Sede Apostolicâ post factam causâ
illius commissionem impetrata sunt à
Monasterio, ea parti alteri in causâ ista
impedimentum seu præiudicium afferre
non possunt, præterea cùm Episcopus
Florentinus retulerit ad Papam, quod
prædicto priuilegio quædam inserta sint,
quæ rationi aduersentur, ideo illud per
nuntium ad Sædem Apostolicam trans
mittendum esse.

SUMMARIUM.

1. Publicatis attestationibus, testes recipien
di denū sunt super alius capitulis ad
eandem causam pertinentibus.
2. Prinilegium impetratum, lice pendente,
nullâ factâ mentione litis, aduersario in
ea causa non generat præiudicium,
3. Etiam si priuilegium illud motu proprio
Princeps concederit.
4. Si in rescripto aut priuilegio aliquid conti
netur, quod rationi aut consuetudini
Curia contrarium videatur, remitti de
bet tanquam suspectum de falsitate.

NOT. I. Factâ publicatione testificatio
num testes denū recipi possunt super
aliis capitulis ad eandem causam pertinent
ibus, vt etiam dictum est in c. Fraternita
tis, 17. hoc tit.

Not. II. Priuilegium impetratum lite
pendente nullâ factâ mentione litis, aduers
ario in eâ causâ impedimentum aut præiud
icium non generat, ita etiam habetur in c.
vl. vt lite pendente nihil innouetur, quod
verò gl. hîc ait, verb. Commissio: causam
censeri litigiosam, cùm primum commissio
facta est, licet citatio nondum emanauerit,
id ex hoc capitulo non colligitur, nihilomi
nis placet hoc, quod priuilegium ad in
stantiam alicuius concessum, nō factâ men
tione commissionis, quæ super eâdem cau
sâ emanauit, vitio obceptionis laboret, quia
Papâ aliis Princeps non facilè commis
sionem reuocare censetur, nisi exprimat.
vide Abbatem hîc n. 5.

Sed quæstio est, si princeps non motu
alterius petitione (tametsi fortasse ea ante
cesserit) sed sponte seu motu proprio priu
ilegium concessit, non factâ mentione litis
pendentis, num priuilegium aduersario
præjudicer, responsio est negativa cum Ho
stiensi hîc. Io. Andreâ n. 6. Abbat. n. 5. Imo
la n. 21. idque probatur ex regulâ receptâ,
quod Princeps motu proprio priuilegium
concedens, non censetur derogare juri al
terius, sive sit in rem sine ad rem. Argum.
l. 2. §. Si quis à principio. ff. Ne quis in loco
publico. & docet Felinus hîc n. 2. Sanch. lib. 5.
de matr. d. 21. n. 50. quare si Papa motu
proprio conferat beneficium Caio, quod
ante contulerat Titio, nullâ huius collatio
nis factâ mentione, præfertur primus impe
trans, vt docet Anton. & Imola in c. Man
datum 38. n. 7. De rescriptis. deinde si Papa
motu proprio conferat beneficium, non
censetur præjudicare vniōni factâ per ordi
narium, licet ea effectum nondum conse
cuta sit, neque derogare juri patronatus lai
corum, neque derogare particularibus sta
tutis loci, nisi de iis mentionem faciat, vt
Felinus hîc docet n. 3. Imola in c. Constitu
tus. 19. n. 11. de rescriptis. Sanch. cit. n. 50.
multo minus censetur derogare velle parti
culari statuto alicuius fundationis, nisi ex
primat, vt monet idem Felinus.

Porrò hæc ipsa regula probari debet ex
alterâ magis generali, quam tradit Joannes
Andreas

mm

Andreas

Andreas in c. Si motu. n. 1. de prab. in 6. I-mola, Abbas, Felin. Sanch. l. c. Menochius casu 201. n. 80. licet motus proprius tollat suspicionem obreptionis, non tamen ampliat priuilegium sive gratiam ultra voluntatem concedentis verisimiliter præsumptam, quamobrem si Papa motu proprio conferat beneficium irregulari, aut aliter inhabili, non facta mentione inhabilitatis, gratia irrita censetur ob defectum voluntatis, quia præsumitur ignorasse secundum gl. receptam in Clem. Si Romanus, de prab. præterea si in priuilegio motu proprio exprimitur falsum tanquam causa finalis concessionis, ita ut appareat, vel præsumi possit, nisi in eo errasset seu male persuasus fuisset Papa, gratiam talem concessurum non fuisse, tunc irrita censetur ob voluntatis defectum, vti docui lib. 1. Theol. Mor. Tract. 7. cap. 23. n. 10. in fine. & videri potest Sanch. cit. disp. 21.

Not. III. Si in rescripto aut priuilegio à Papâ alioue principe emanante aliquid contineatur, quod rationi aut consuetudini curiæ contrarium videatur, remitti debet tanquam suspectum de falsitate, vti etiam habetur in c. 2. de rescriptis. & ideo ait Abbas hoc n. 7. non debet Ordinarius esse facilis in executione horum priuilegiorum, sed consulere principem & exspectare secundam iussionem.

CAPITULUM XX.

Personas.

NON SUMMATOR.

TEstis productus, si consimili morbo laborare ab aduersâ parte cōuictus fuerit, repelliri debet: sensus est, quem gl. & Io. Andreas hic tradunt, quod causam consimilem habens ei, ad quam testis producitur, repelliri possit, sicuti pleniū colligitur ex parte 10. cap. 5. post Conc. Lateranense sub Alexandro III. tom. tertio Conciliorum, vnde hoc capitulum desumptum est, v. g. *Si Parochus*, contra aliquem ex Parochianis agat pro decimatum solutione, pro se autem

Reus immunitatem à soluendis decimis per tempus immemoriale obiectat, eiusque rei testem producat alium parochianum, qui consimili morbo laborat, seu eadem in naui nauigat, quia & ipse similiter, si actio contrâ eum instituatur se defendere velit per temporis immemorialis immunitatem, hoc casu repellendus erit propter affectio- nem, quam gerit erga causam istam, sic & judex tanquam suspectus recusari potest, si consimilem ipse causam cum altero habeat. 6. *Causam. 18. de judic.*

Corollarium. Si pluribus rixantibus homicidium commissum sit, & nesciatur, à quo eorum vulnus lethale inflatum, tum si vius ad se exonerandum fateatur de Titio, ac probare velit per alios testes socios, horum testimonia suspecta esse debent, & ideo contra eos excipi potest, quia videntur ad scipios à suspicione eximendos, crimen in unum Titium coniungere, quâ de re vide *Farinacium* q. 60. n. 19.

CAPITULUM XXI.

Iudæi.

P A R A P H R A S I S.

Testimonium Christiani aduersus Iudeos in omnibus causis recipiendum est, cum & ipsi aduersus Christianos testes suos producere præsumant, & excommunicandi sunt ij, qui iudeos Christianis in hâc parte præferre voluerint, cum illos Christianis subjacere oporteat, licet & Christiani illos pro suâ humanitate fovere debeat.

S U M M A R I V M.

1. *Iudei ut testes recipi possunt in quibusdam casibus.*
2. *Christiani aduersus Iudaum testes produci possunt adeò, vt per priuilegium, vel consuetudinem introduci non possit contrarium.*
3. *Ecclesia habet jurisdictionem in Laicos ipsosque Principes secularares, si quid decernat, aut introducant Religioni Christiana, aut eius decori contrarium.*

Sum-